

Jon Domenic Parolini è vegnì saramentà



■ (anr/fa) Sco emprima fatschenta steva sin il program dal cussegl grond ier la damaun «la saramentaziun dal nov commember da la regenza grischuna Jon Domenic Parolini». Il salter chantunal Julius Maissen ha manà il nov cusseglier guvernativ en sala dal parlament per la cerimonia da la saramentaziun. «Jau engir, ich schwöre es, lo giuro», ha ditg Parolini en tuttas trais linguas chantunales. El nun era vegnì mo sulet a la saramentaziun: Sin la tribuna per ils aspectaders eran era sia famiglia: la dunna Susanna Fanzun Parolini e lur uffants Lucia e Romedi.